



# Recueil de la diuersité

des habits, qui sont de present en vſage,  
tant es pays d'Europe. Aſie, Affrique  
& Iſles ſauuages, Le tout fait  
apres le naturel.



A P A R I S.

Par Francois des prez demourant Rue  
de Montorgueil, au bon Pasteur. 1567.

Auec priuilege du Roy

CHOBLET

Epistre au Lecteur,  
Sur la diuersité des  
habits, cōtenus en  
ce present liure:

**S**Y tu veux voir de Femmes Filles,  
& d'Hommes.

Plusieurs pourtraits, le geste, & veste-  
ment,

Au naturel, en ce temps ou nous  
sommes,

Pour receuoir d'esprit cōtètement,  
Ly en ce liure affectueusement,

Et tō regard dessus ces pourtraits rāge  
Tu cognoistras les habits clairement

Qu'ils humains font l'un de l'autre  
estrange.



# A tresillustre Prince

Henry de Nauarre, François deserpz  
son treshumble, & tresobeyssant  
seruiteur, Sa'ut, & felicité  
perpetuelle.

## Vous estes deuemēt

aduerty par la leçon des Liures saints  
(Prince tresillustre) que noz premiers  
peres estoyent vestuz de fueilles & de  
peaux, pour couvrir la nudité de leur  
corps seulemēt: mais peu à peu, crois  
sant avec l'aage, la malice des hōmes,  
on à chāgē ces habits premiers en plu  
sieurs & diuerfes maniere, Ce qui est  
aduenu tant par necessité que par cu  
riosité des humains, cōme il se voit que  
es pays Septētrionaux les habitās sōt  
cōtraints de se vestir d'habits fourrés,  
ou grosses mantes, & au pays meridio  
nal sōt nudz, ou vestuz à la legere, cō  
me cela se peut verifier par les Sauua  
ges, & Bresiliēs, mesmes en ces pays,  
lors que le soleil est prochain du

Câcer, & quât à la neceſſité de ſe deſ  
fêdre ou aſſaillir, cela à cōtraint ceux  
de tel exercice de ſarmer, mailler ou  
prêdre collet de buſſe. Ce ſeroit peu  
de choſe de cela, mais la curioſité ſur  
mōtât la neceſſité à engendrê vne ſi  
grâde differêce d'habits, tant au ſexe  
maſculi, q̄ feminin, q̄ telle façõ eſtrâ  
ge à mis tout hōme en admiration,  
cōſiderât les modes diuerſes dōt ſōt  
veſtus les hommes de ce ſiecle. Or  
quât a la diuerſité, ſelon mon iuge  
mēt, la differêce des religiōs en a en  
gêdrê vne partie, & la curioſité des  
perſonnes, & la diſtance des pays, v  
ne autre partie, plus l'arrogâce & pre  
ſumption ont acheué ce roolle, ainſi  
que le pouuez mieux cōſiderer, que  
ie ne le puis declarer, ſâs en faire vn  
lōg diſcours. A ceſte cauſe (Monſei  
gneur) i'ay fait ce Recueil cōtenât la  
diuerſité des habits qui ſōt à preſent  
en vſage, tât en Europe, Aſie, Affri  
que, que es Iſles des Sauuages, &  
Barbares, auant ſuiuy quelque deſ  
ſein du deſſun & Roberual, Capitai-



ne pour le Roy, & d'un certain Por-  
tugais ayāt frequenté plusieurs & di-  
uers pays, sēblablement de ceux que  
no<sup>s</sup> voyōs iournallemēt à l'oeil, du-  
quel recueil i'ay bien osé vous faire  
humble present, nō sous autre espe-  
rance sinon de vous faire perpetuel  
seruice, toutesfois. Monseigneur ie  
me suis persuadé que vous ne trou-  
uerez pas bō que i'aye pris peine ou  
plaisir à faire chose non edificatiue:  
Mais i'espere que vo receuerez quel-  
que cōtētemēt d'y voir la mobilité  
de noz vieux predecesseurs, & qu'ilz  
ont esté plus curieux de sumptueuse  
vesture que de rare vertu: ce qui se  
peut cognoistre en ce que plusieurs  
sont fort honorez, pour la multitu-  
de & sumptuosité de leurs vestemēs,  
& toutesfois sont vuydes de vertu &  
saine cōscience. Et sēble qu'ils soyēt  
de la race des Pōtifes Pharisiens, ou  
de ce mauuais Riche mentionné en  
S. Luc, qui estoit vestu de pourpre &  
de soye, & ce pendant le pauvre La-  
zare mourut de faim à sa porte.  
C'est exemple (dy-ie) nous peut

seruir de retrencher toute excessiue ve-  
sture, qui attire l'homme à orgueil: car  
tout ainsi qu'on cognoist le Moyne au  
froc, le Fol au chapeçon, & le Soldat aux  
armes, ainsi se cognoist l'homme sage à l'ha-  
bit non excessif. Je n'entens toutesfois  
mespriser les habits excellens de ceux  
qui sont dignes de les porter, pour deco-  
rer leur prerogatiue & ioyaux precieux  
donnez du Createur, pour recreer le  
cueur de ses creatures: mais ie desire que  
nul n'y attache son affection, ains en la  
vraye pierre angulaire, à sçauoir IESVS  
CHRIST, sur laquelle est fôdée la vraye  
Eglise de Dieu, & quelle soit enrichie  
d'or, & fin esmail, c'est à dire de viue foy  
ouurante par charité en Iesus Christ no-  
stre Sauueur vnique, Lequel ie prie affe-  
ctueusemēt vous maintenir & cōseruer  
en longue cōualescence, & prosperité.





## Le Cheualier.

Quant vous verrez vn si riche Collier  
Porter à l'hôme, ou blame ne peut mordre,  
Pensez que c'est vn Cheualier de l'ordre,  
Ayant du Roy vn don tant singulier,



## Le Gentilhomme

Il est certain que le branc François,  
 A la Reistre, il s'est du tout vestu,  
 Si en habit mobile tu le voyes,  
 Il est constant en parolle & vertu.





## La Damoyfelle.

Telles on voit Françoises damoyfelles  
En leur maintien gracieuses & belles,  
Leur entretien à tous est agreable,  
Et pleine sont de grace incomparable.



## Le Venitien,

Soyez certains que les Veniciens,  
(Qui sont Seigneurs, nobles & anciens,)   
Alors qu'ilz vont au Palays, sont vestus  
Comme voyez, & sont pleins de vertus.



## Le President,

Voy cest habit, sans pompe n'y exces  
C'est la vesture des graues Presidents,  
Qui sont commis à iuger les Proces,  
De par le Roy, en la court residens.





## Le Courtisan,

Le Courtisan François, au temps qui court  
Est braue ainsi qu'en voyez la figure,  
A mainte Dame il scait faire la Court,  
Car d'eloquence il entend la mesure.



## L'Italienne.

Voyez icy la femme d'Italie,  
Côme elle est vue en ce present pourtrait  
De sa façon fort plaisante & iolye,  
A son amour les hommes elle attrait.



## Labourgeoise de paris

Féme on ne voit plus belle, & plus courtoise  
Se monstrent chaste avec son vestement,  
Que dans Paris, ou est mainte bourgeoise,  
Telle qu'elle est peinte icy viement





## Le Bourgeois.

Tu peux voir cy le vray Parisien,  
Sa mode honneste estant en sa vesture,  
Son parler est subtil, & a moyen  
De trafiquer, c'est la propre nature.



## Le vieil Bourgeoys,

Situ veux voir le vieil bourgeois de France,  
Le sien habit, son port & grauité,  
Ce pourtrait cy, t'en fait la demonstrence,  
Peu curieux est de nouuelleté,



## Lartisan Francois

C'est l'artisan vestu de bonne cape,  
Aynant labeur, afin qu'il s'en nourrice,  
Oysiueté par trauail il eschape,  
Pource que c'est de tous maux la nourrice,





## Le Docteur.

Voicy l'habit que porte le Docteur  
Faisant le grave, ainsi qu'il est notoire,  
Luy se disant de la foy protecteur,  
D'ou viét cela qu'on ne le veui plus croire.



## Le laboureur,

Le Laboureur à tousiours son courage  
De travailler au monde terrien,  
Il n'est oyfis, mais de son labourage,  
Souuét nourry sont ceux qui ne font rien.



## Le soldat Francoys.

Le vray Soldat françois icy se monstre  
Prest pour cōbatre, ou pour faire bravades  
Mais quelque fois il remet a la monstre  
Son noſte, ou bien le paye en baſtonnades.





## Le lacquais,

Voy ce Lacquais leger comme le vent,  
Pour bien courir il n'a la couleur fado,  
Argent en bource il n'a le plus souvent,  
Parquoy son hoste est payé en gambade.



## La rustique françoise

Regardez bien (Lecteurs) la contenance  
De ceste femme, en ce pourtrait antique,  
Toujours ainsi on voit parmy la France,  
Estre vestue vne femme rustique.



## La Picarde.

V'oy ceste femme avec son Bauolet,  
Cest la Picarde esueillée & honeste,  
Son parler plait, son maintien n'est pas laid  
Mais bien souuent elle à mauuaïse teste.





## L'espousée de France

L'espousée est coiffée, aussi vestue  
Comme voyez, quant elle prent mary,  
A demonstrier la beauté s'esuertue,  
En ce iour là, n'ayant le cuer marry.



## Le dueil.

Voicy l'habit accoustumé au dueil,  
Noir de couleur cōme sont les tenebres,  
Quād par souspirs, avecques larmes d'oeil,  
Pour les defunctz on fait pōpes funebres.



## Le Champenoys,

S'il est ainsi que rien tu ne cognois  
En ceste forme, & figure presente,  
Voicy le vray habit d'un Champenoys,  
Qui a tes yeux viuement se presente.





## La rustique de Brece

Sy n'a esté en la Brece iamais,  
(Par ce pourtrait naturel & antique,)  
Tu pourras bien cognoistre desormais,  
Le vray habit d'une Brece rustique,



## La Brebansonne.

La brebansonne est icy compassée,  
Par ce Pourtrait au naif composé,  
Son vestement à la queue troussée,  
Et sa coiffure est de linge empesé.



## La Fille Flamende.

Qui fille belle & freche voir demande,  
Et habillee en habit vſté,  
Doit contempler ceste fille Flamende,  
En ceſt habit viuement limité.





## Ladamoisele flamède

Pour ce pourtrait vous faire mieux entêdre,  
Si vous n'allez voir le pays de Flandre,  
Assurez vous que nobles Damoyelles  
En ce lieu là, portent vestures telles.



## La fille Holandoise

Sur ce pourtrait, si ton oeil s'esuertue  
En contemplant ceste fille au mainrien,  
Sans en Hollande aller, pour certain rien  
Que tout ainsi la fille y est vestue.



## La Holandoise,

La Holandoise on peut cerraînement  
Bien recognoistre en icelle figure,  
Son habit est plissé mignonnement,  
Blanche & polye est de sa nature.





## L'angloyse.

Ainsi vestue est vne femme Angloise  
 Par le dessus son bonnet est fourré,  
 On la cognoist (bié qu'aux lieux on ne voi  
 Facilement à son bonnet carré. (se)



## La Romaine,

Il ne faut pas qu'à Rome on se pourmaine  
Pour voir le port, le geste & gravité.  
D'une prudente & antique Romaine,  
Ce pourrait cy, en rien la verité.



## La Lyonnoise.

Quand vous verrez la braue Lyonnoise  
Vestue ainsi au plus pres de voz yeux.  
Mieux vaut l'aymer que prédre à Lyonnoise,  
Pouree qu'il est cruel & furieux.





## La Gouestre,

Voyez cōmēt ceste femme est semblable,  
En grosse gorge à l'homme proprement,  
Quoy que ce soit vne chose admirable,  
Ce pourtrait cy ne ment aucunement,



## Le Gouestre,

Si as esté au pays de Piedmont,  
Par ce pourtrait tu pourras recognoistre,  
Qu'en y allant & trauesant les Monts  
Tu as peu voir de semblable Gouestre.



## Le Prouençal,

Qui n'a esté en la chaude Prouence,  
Pour voir l'habit, & aussi la vesture,  
A contempler ce pourtrait cy sauance,  
Au naturel en verras la figure,





## Le Pollognoys,

Si ce pourtrait icy tu ne cognoys,  
Auchapperon fourré (chaud à merueille)  
Tu cognoistras que c'est vn Pollognoys  
Craignant le vent qu'il le frappe aux oreilles



## L'escossois.

Il faut Lecteur, que tout certain tu sois.  
Quant tu verras ce pourtrait de tes yeux,  
Que c'est l'habit que porte l'escossois,  
Qui n'est par trop mondain ne curieux,



## L'escossoise.

Si vous baiffez l'oeil dessus ce pourtrait,  
 Pour bien scauoir d'Escossoise la forme,  
 Cestuy cy est au naturel conforme,  
 Comme voyez qu'au vif il est pourtrait.





## La sauuage d'Escoffe,

Si tu mets l'oeil dessus ceste figure  
A celle fin que certain tu en soys,  
C'est la sauuage au pays Escossoys  
De peaux vestue encontre la froid-re,



## Le capitaine Sauvage

Vous pourrez voir entre les Escossois,  
Tel Capitaine faisant là leur seiours,  
Qui souuent font nuy sance aux Angloys,  
Peu de profit leur fait faire maints tours.



## Le Flament,

Si du Flamend veux scauoir la vesture  
 Sa courte robe, & sa maniere aussi,  
 Tu le verras par ceste pourtraiture,  
 Changer d'habit ce n'est point son foucy.





## La Flamende,

Au vis tiree est ceste pourtraiture,  
D'une Flamende ainsi expressement,  
Si sur les lieux vous n'allez: sa vesture  
Est peincte icy labourieusement,



## Le Prieur.

Pourtrait est cy, vn gros & gras prieur  
Vestu d'habits, qui luy sont fort ydoine  
De les changer il n'est point curieux,  
Car c'est souuent l'habit qui fait le moyne.



## Le Chartreux,

Voicy l'habit pourtrait au naturel  
Dont est vestu le Chartreux solitaire,  
Qui à acquis de grand bien temporel  
De noz parens, dont il se conuient taire.





## Le Chanoyne.

Quand le Chanoine veut aller au Monstier  
Pour assister à son diuin seruice,  
De tel habit il se vest voluntiers,  
Qui en yuer luy est chault & propice,



## Le Moyne.

Ce pourtrait cy que voyez, vous deliure,  
Du moyne au vif, ayant en main son liure,  
Si d'aventure il n'ayme la vertu,  
Pous recompense il est ainsi vestu.



## Le vieil pere de village

Ce vieil patron & pere de village  
N'est pas enclin de ses habits changer,  
Mieux aimeroit auoir de gras potage,  
Et son liēt faict pour mollement coucher.





## Le dueil de village.

Voila comment se vest la villageoise,  
Portant le dueil en cest accoustrement:  
Et en plorât fait plus grand bruit & noise,  
Que ne font prestres communement.



## Ladamoiselle en dueil

En France ainsi se vest la Damoiselle,  
Pour ses parens en sepulture mis,  
Et fait son dueil par vn naturel zele,  
Quant elle a fait perte de ses amis.



## Le dueil de Flandre,

En Flandre ont les femmes apries  
Faire dueil en commun vsage,  
Ainsi qu'au vis nous le voyens compris  
Par le pourtraict de la presente image,





## Le zelandois,

Si tu es meü d'une nouvelle cure,  
De contempler & scauoir la parure,  
Accoustumee à l'homme Zelandois,  
En ce pourtrait contempler tu la doys,



## La zelandoise.

La zelandoise en ce pourtrait icy,  
 (Ou tu la vois estre exprimee ainsi)  
 Peut à chacun monstrier apertement,  
 Qu'elle façon est en son vestement.



## L'euesque de mer.

La terre n'a euesques seulement,  
Qui sont par bule en grād hōneur & tiltre,  
L'euesque croist en mer samblablement,  
Ne parlât point, cōbien qu'il porte mitre.






## Le moyne de la mer,

La Mer poissons en abondance apporte  
Par don diuin, que devons estimer:  
Mais fort estrange est le moyne de mer,  
Qui est ainsi que ce pourtrait le porte,



## Le singe debout.

Pres le Peru par effect le voit-on,  
Dieu a donné au Singe telle forme,  
Vestu de ionc, s'appuyant d'un baston,  
Estant debout chose aux hommes cōforme.



## Le Ciclope.

De Polipheme & des Siclopiens,  
Font mention poëtes anciens:  
On dit encor que ce lignage dure,  
Aucc vn oeil selon ceste figure.





## Le gentil hōme suisse,

Si vous voulez estre tant curieux,  
D'un peu baisser sur ce pouttrait voz yeux  
Certainement vn chacun verra comme,  
En Suisse est vestu vn gentilhomme,



## La damoyfelle fuisse.

Pour vous mōſtrer l'habit que Damoiſelle  
Ont en Suiſſe, il vous conuient ſçauoir  
Qu'en veſtemens elles ſont toutes telles  
Qu'en ce pourtrait on peut aperceuoir.



## Le lānsquenet.

Le Lāsqenet iour en iour s'accommode,  
A l'entretient de ceste vieille mode,  
De son naif & propre habillement.  
Et sens iamais vser de changement.





## La lansquenette,

Croire conuient la Lansquenette aussi  
Tenir ce geste, & telle est sa vesture,  
Comme chacun le peut cognoistre icy,  
Par le regard de ceste pourtraiture.



## L'alemande.

L'habit est tel de la femme Alemande,  
Et point ne change ainsi que nous souuër,  
Car le Francois nouueaux habits demâde,  
En les muant ainsi comme le vent.



## Le bourgeois allemāt

De cest habit voyez l'inuention  
C'est du bourgeois Allemant la vesture.  
Qui comme aucuns n'en fait mutation,  
Diuersité n'aymans de leur nature.





## Le Suyffe.

Voï y l'habit & geste du Suyffe  
Puissant & fort, ainsi que des long temps,  
Les Roys de France en ont tiré seruice  
En Cour & guerre, avec desirs contens.



## La Suyffe

Regardez bien de cest habillement,  
Toute la forme & façon comme elle est  
Car en Suyffe ainsi certainement,  
Chacune femme ainsi tousiours se vest.



## La haute Allemande

Si d'aventure on vous demande  
Que represente ceste figure,  
C'est vne vraye haute Allemande,  
Pourtraite au vif, selon nature:



## La fille Allemande.

Quant vous verrez cheueclure ainsi grand  
 Pendre du chef, comme icy la voyez,  
 C'est pour certain vne fille Allemande,  
 Vestue ainsi, de ce sort en soytez.





## Le Hongre

Si ne voulez estre trop curieux  
De cheminer iusques au propres lieux  
Pour du chemin fuir la falcherie,  
Ainsi se vest l'homme de Hongrie.



## La dame de Hongrie,

Chacune dame habitant en Hongrie,  
Qui à l'honneur de grande seigneurie  
Porte tousiours vn tel accoustrement,  
Qu'il est icy depaint fort proprement.,



## La Mosquovide.

La Mosquovide ainsi comme i'ay leu ,  
Se vest ainsi, & d'une bonne grace .  
Ayant en telle vn gros chapeau velu,  
Portant patins qui sont ferréz à glace.



## Le Mosquovide.


Le Mosquovide avec sa grand' mante,  
Dessus la mer gelee fait la guerre,  
Et le desir qui plus fort le tourmente,  
C'est d'acquérir des biens dessus la terre.






## La fême de bayonne

La Bayonnoyse, & son accoustrement  
On peut icy contempler en figure,  
De cest habit ne change aucunement,  
Et simple elle est de sa propre nature.



## La fēme allāt alameſſe

La femme ainſi en Bayonne à veſture  
Oyant la meſſe en grand deuotion,  
Puis ſ'en reuient auec ceſte parure,  
Toute endormye de contemplation.



## Le dueil de Bayonne.

Quant il aduient que Bayonnoise poste  
L'habit de dueil, pour mary ou parent,  
Elle est tousiours vestue en ceste sorte.  
Comme voyez au pourtrait apparent.



## La rustique d'espagne.

Espagne est fort plantureuse & fertile,  
Car mainte chose y croist heureusement,  
Femme rustique en ce lieu proprement  
Comme il appert en ce pourtrait s'habille.





## Le Bisquin.

Voy du Bisquin le simple habillement  
Plus content est avecques sa souffrance,  
Qu'aucun vestu de riche accoustrement  
Que l'on peut veoir par le pais de France.



## La Bisquine

Ceste vesture est bien peu entendue,  
La Bisquine est depainte en cest endroit,  
Par sa coustume elle est ainsi tondue,  
En demonstرات qu'ell' ne craint pas le froid.



## La fême de pāpelune

Voicy la femme estant en Pampelune,  
Coiffée ainsi, & vestue tousiours,  
Sans point changer l'habit, comme la lune,  
Ainsi que font les françoys tous les iours.



## La tōdue d'espaigne.

Dedās l'Espaigne on voit de telle femme,  
Qui tōdue sōnt faisant tel passetemps,  
Vray est que c'est vne chose profane:  
Car plusieurs gens à le voir passent temps.





## L'espaignolle.

Qui bien voudra cognoistre seurement  
Cōme en Espaigne est la femme habillee,  
Il doit penser qu'icy certainement  
D'une Espaignolle est l'ymage taillee.



## L'espagnol,

Qui veut sçavoir & l'habit & le geste  
De l'espagnol, faut estre tout certain  
Que ce pourtrait au vif le manifeste,  
Sans l'aller voir en pays plus lointain.



## La fême de rûceualle.

Si la coiffure vous semble falle,  
Que voyez en ce pourtraict cy,  
Sachez que femme à Ronceualle  
Dont coiffée & vestue ainsi.



## La fême de cōpostel-

Fême qui est du lieu de Cōpostelle. (le.  
Ne va iamaïs sans porter son chapeau,  
Et son habit est d'une façon telle,  
Je ne sçay pas, si vous semblera beau,





## La fême de Tollette.

Si ton regard sur ce pourtrait s'arreste,  
Estrange il est, mais ne t'en esbahis,  
La femme ainsi est vestue en Tollere,  
Pource que c'est la façon du pays.



## L'espaignole rustique

Si vous avez fréquenté le village.  
 Parmi l'Espaigne, en escoutant le son  
 Du Rossignol, femme de labourage,  
 D'habit & geste, a semblab le façon.



## I a rustiq de portugal.

En Portugal parmy les lieux champestres  
y trouue de semblable rustique,  
Les vne aux châps mene leur beste paistre,  
Et au labeur les autres s'y applique.



## La rustique de hògrie.

Chacune femme estant par le village  
L'es Hongriens ou elles font seiour,  
Porte tousiours c'est habit pour vsage  
Ia des long temps iusques au present iour."





## Le Portugais,

Le Portugais avecques sa grand chape,  
Ne crains de mer le soudain accident,  
Par traffiquer grand richesse il attrape,  
Aussi est-il fort sobre, & diligent.



## La portugaise.

La Portugaise est vestue en la sorte  
Que la pouuez cognoistre à ce pourtrait  
Fort grand'amour à l'argent elle porte,  
Car auarice a ce desir l'attrait.



## Le delubic.

Le Delubic naturel à la proye,  
Se vest & chausse en ceste mode cy,  
Ce n'est point luy qui enrichy la soye,  
D'habit mondain 12 n'est en grand soucy.



## La delubicque,

La Delubicque n'est pas trop amoureuse  
De beaux habits, ôme bien on peut voir  
Par ce pourtraict mais plustost curieuse  
De viure auoir, dont elle fait deuoir.





## La barbare,

Quand la Barbare en ses habitz plus beaux  
Veut demonstrier sa grand magnificence,  
Fourree ainsi elle est de riches peaux,  
Que ce pourtrait le met en apparence.



## Le Barbare,

Les Barbares ont le vestement semblable  
Comme tu vois, cela est tout notoire,  
Quoy que te soit cest habit admirable,  
La verité te contraint de le croire.



## La moresque.

Au more noir la moresque ressemble,  
Son habit est leger pour la chaleur,  
L'hôme & la fême accordét bié ensemble,  
Tous deux camus & de noire couleur.



## Le More,

Le More se vest ainsi legerement,  
Pour la chaleur du pays qu'il endure,  
Le nez camus il ha semblablement:  
Son poil frison, sa leure espaisse & dure,





## La Femme sauvage,

Femme sauvage à l'oeil humain, nō fainte,  
Ainsi qu'elle est sur le naturel lieu,  
Au naturel vous est icy depeinte,  
Comme voyez qu'il appert à vostre oeil.



## L'homme sauuage,

Combien que Dieu le Createur seul sage,  
A fait vser les hommes de raison,  
Icy voyez vn vray homme sauuage,  
Son corps velu est en toute saison.



## L'indien,

De l'indien, & son habit estrange,  
Par ce pourtrait la verité peux voir,  
Si ne le crois, ie dis pour ma reuange,  
Va iusqu'au lieu, & tu le pourras voir.



## L'indienne

Amy lecteur, il te conuient entendre,  
Que l'Indienne est vestue proprement,  
De cest habit que peux icy comprendre,  
Pource qu'il est pourtrait naïfement.





## Le Perlien,

- De Perse sont les peuples anciens,  
D'eux maite hystoire on voit par escripture  
Le propre habit est tel des Perliens,  
Que le voyez en ceste pourtraiture



## La Persienne.

Si vous voulez le geste appercevoir  
De Persienne, & sa robe vſitee,  
Vous ne pourriez plus clairement la voir  
Qu'elle est icy, pourtraite & limitee.



## L'egyptien.

Pour bien cognoistre vn vray Egyptien  
Auec les longs cheueux qu'il porte,  
En retenant son habit ancien,  
Il est au vit pourtrait en ceste sorte,



## L'egyptienne

Il est certain qu'ainsi l'Egyptienne  
Jusqu'au iourd'huy porte son vestement,  
Telle à esté sa coustume ancienne,  
Comme vostre oeil voit presentement,





## L'hermite d'Egypte.

Ainsi se vest l'Aegyptien hermite,  
Qui du commun icy se rend étranger,  
Mangeant racine, faisant la chatemite,  
S'il trouuoit mieux, il en voudroit mâger.



## Le Prestre d'Egyp̃le,

Ce long chapeau, la longue barbe aussi,  
L'AEgyptien prestre nous represente,  
Qui du vray Dieu n'a pas tant de soucy,  
Que de ces dons qu'au tēple on luy presēte.



## Le Sauvage en pōpe

Quand le sauvage est en brauade ou pompe  
Il est ainsi habillé proprement,  
Si tu as peur que ce pourtrait te trompe  
Va sur les lieux pour voir son vestement.



## Le tartare,

Si ce pourtrait à ceux semble barbare  
Qui ne l'ont veu qu'ainsi qu'il est depaint,  
Il est tout seur que tel est Tartare,  
Et cest habit est vray, & non pas faine





## La Bressilienne.

Les femmes là, sont vestues ainsi  
Que ce pourtrait le montre & represente,  
La des Guenons, & Perroquetz ausy,  
Aux estrangers elles mettent en vente



## Le Bresilien;

L'homme du lieu auquel le Bresil croist.  
Est tel qu'icy, à l'oeil il apparoit,  
Leur naturel exercice s'applique  
Coupper Bresil, pour en faire trafic,



## La Nictorienne,

Si quelque fois vostre regard se range.  
Sur ce pourtrait, qui peut sembler estrange,  
Croyez que c'est vn habit ancien,  
Que porte femme à ce Nictorien.



## Le Nictorien,

Qui voudra voir comme vn Nictorien,  
 Se coiffe & vest en voicy la figure,  
 Et de changer il se garde fort bien,  
 Tant que viuant en ce monde il dure.





## La fille turquoise,

Les Turcs s'ôt loïn, poît ne faut qu'o y voif  
Pour mieux sçauoir de leur habit la sorte,  
Mais pour cognoistre vne fille Turquoise,  
Icy pourtrait est l'habit qu'elle porte.



## La fille d'affrique

Par ce pourtrait qui est assez antique,  
Vous pouvez voir vne fille d'Affrique,  
Qui pour parure a son petit manteau  
Estant fourré d'une exquise peau.



## Le Grec.

Le Grec il a vn vesturement semblable  
A ce pourtraict, cela est tout notoire,  
Quoy que te semble c'est habit admirable,  
La verité te contrainct de le croire.]



## La Grecque.

La Grecque aussi a son accoustrement  
Et son maintiét d'une assez bone grace,  
Et sa coiffure entretient ioliement:  
Mais taxee est de trop polir sa face.





## Le Janissaire.

Tu vois le vray pourtrait des Janissaires,  
Qu' du grād Turc ont leur nourrissemēt,  
Pour l' seruir des choses necessaires,  
Ou il cognoist prompt leur entendement.



## La Ianiffaire,

La Ianiffaire a sa vesture ainsi,  
 Que ce pourtrait le monstre & le figure,  
 Le haut bonnet elle porte, & aussi  
 Vestue elle est d'une longue vesture.



## Le grec seruât le turc.

Du fier Gregeois voicy la pourtraiture,  
Fentend de ceux qui en lart militaire,  
Seruent le Turc, enclinant leur nature  
A guerroyer tant par mer que par terre,



## Le laquais turc.

Ce laquais Turc est icy sans mentir,  
Au vis depaint cōme vn chacun peut voir  
C'est le moyen qu'il a de soy vestir,  
Pour mieux courir, dōt il fait prōpt deuoir.





## La dame de turquie,

Les dames sont en la Turquie ainsi  
Comme voyez vestue ceste cy,  
Tout leur maintiét, leur habit, leur visage,  
Est exprimé par la presente image.



## Le Turc,

Sans en doubter, & sans vous decevoir,  
Deuez penser que d'un Turc la vesture,  
Ressemble au vit à celle qu'on peut voir,  
En la presente image & pourtraiture,



## L'arabien,

En Arabie est d'encensabondance,  
Arabiens iadis riches estoyent,  
Et ce pourtraiët vous met en euidence,  
Le propre habit qu'ils portët, & qu'ils porto iët



## L'arabienne.

Si veu<sup>x</sup> de femme auoir la cognoissance,  
Qui d'Arabie a pris natiuité,  
Ceste figure te met en euidence,  
L'habit qui est par les femmes porté.





## La femme d'asie,


Regardez bien comme les Asiennes  
Sont habillées & coiffées en bonne ordre  
Je suis certain que les Ven iciennes,  
N'y pourroyēt pas sur ce trouuer à mordre.



## La veuve d'affrique,

Quend l'Affriquaine a perdu son mary,  
Estant par mort terré dans le cercueil,  
Tel vestement elle porte par dueil,  
En demonstrant qu'elle a le cueur marry.








42834

0105010

#06730







SPECIAL 92-B  
NK 21604  
4709.3  
D47  
1567

THE GETTY CENTER  
LIBRARY



